

Na osnovu člana 72. Zakona o javnim nabavkama u BiH („Službeni glasnik BiH“, broj: 39/14), a nakon provedenog postupka direktnog sporazuma nabavke usluga za kontinuirano vršenje usluga održavanja i servisiranja električnih i rashladnih uređaja u vešeraju i kuhinji KJU „Gerontološki centar“ Sarajevo, pravosnažne Odluke o dodjeli ugovora, br. 12-334-2/18. od 12.03.2018. godinr, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.cec. (u daljem tekstu: Ugovorni organ)
2. **„TOFI“ doo iz Sarajeva, ul. Nike Kolumbića-Šake br. 78., Sarajevo.**, registrovan kod Općinskog suda u Sarajevu (matični broj subjekta upisa 65-01-0742-14, stari broj 1-17048), identifikacijski broj kod Porezne uprave FBiH Kantonalni ured Sarajevo 4200173170002, porezni broj: 01071930, identifikacijski broj obveznika PDV 200173170002, koga zastupa Direktor Elvir Toholj (u daljem tekstu: Izvršilac usluga)

Dana 12.03.2018. godine, u Sarajevu, zaključuju

UGOVOR O VRŠENJU USLUGA

Član 1.

Ugovorne strane su saglasne da Izvršilac usluga za potrebe Ugovornog organa vrši usluge održavanja i servisiranja električnih i rashladnih uređaja u vešeraju i kuhinji Ugovornog organa, a prema specifikaciji i opisu posla iz Zahtjeva za dostavu ponude Ugovornog organa broj: 12-334-1/18 od 27.02.2018.godine i Ponude Izvršioca usluga broj: K-38/18 od 07.03.2018.godine.

Usluge održavanja i servisiranja električnih i rashladnih uređaja podrazumjevaju opravku svih kvarova koji nastanu na ovim uređajima, kao i ugradnju potrebnih rezervnih dijelova i materijala, a vršiti će se prema nastalim potrebama Ugovornog organa.

Uređaji, koji se nalaze pod garancijom, u periodu garantnog roka nisu predmet ovog Ugovora. Ukoliko u toku važenja ovog Ugovora istekne period garancije za takve uređaje, prava i obaveze koje za ugovorne strane proističu iz ovog Ugovora, primjenjivat će se i na te uređaje.

Član 2.

Ukupna vrijednost ovog Ugovora za ugovoreni period od dvije (2) godine, iznosi do 6.000,00 KM bez uključenog PDV-a, odnosno do 7.020,00 KM sa PDV-om.

Ukupna vrijednost Ugovora zavisi od nastalih potreba Ugovornog organa i situacija koje se ne mogu unaprijed predvidjeti, niti planirati.

Ugovorni organ zadržava pravo potpune ili djelimične realizacije vrijednosti nabavke usluga po ovom Ugovoru. Vrijednost izvršene usluge održavanja i servisiranja će se obračunavati prema jednom satu efektivnog rada ovlaštenog servisera.

Jedinična cijena usluge po **jednom satu efektivnog rada** servisera iznosi **25,00 KM, bez uključenog PDV, odnosno 29,25 KM sa PDV-om.**

Član 3.

Nabavka potrebnih rezervnih dijelova uređaja i materijala će se vršiti prema nastalim potrebama i u skladu sa odredbama posebnih ugovora.

Član 4.

Ugovorne strane su saglasne da se u periodu važenja ovog Ugovora, cijene usluga precizirane članom 2., neće mijenjati.

Član 5.

Osnov za plaćanje izvršenih usluga jesu fakture/računi koje Izvršilac usluga dostavlja Ugovornom organu za uredno izvršene usluge, a na osnovu radnih naloga potpisanih od strane ovlaštenog lica Ugovornog organa i ovlaštenog servisera Izvršioca usluga.

Ugovorne strane su saglasne da se fakturisanje i plaćanje ugovorenih usluga vrši **zbirno mjesečno** za sve usluge, izvršene u toku jednog kalendarskog mjeseca.

Ugovorni organ se obavezuje da će plaćanje fakturisanih ugovorenih usluga vršiti u roku od 30 dana od dana prijema fakture, putem transakcijskog računa Izvršioca usluga broj: 3389002207536389, otvorenog kod UniCredit Bank dd.

Član 6.

Izvršilac usluga garantuje da će održavanje i servisiranje uređaja obezbijediti svaki dan u vremenu od 07:00 do 18:00 sati (u radnom vremenu, vikendom i praznikom).

Vršilac usluga se obavezuje da u slučaju nastanka kvara na predmetnim uređajima i sistemima interveniše **isti dan u roku od 2 sata po prijavi kvara**.

Ukoliko se prijavljeni kvar ne može odmah otkloniti, Izvršilac usluga se obavezuje da kvar otkloni najkasnije naredni dan po prijavi kvara.

Ukoliko se radi o zamjeni rezervnih dijelova koji se ne mogu obezbijediti u ugovornom roku za otklanjanje kvara, Izvršilac usluge se obavezuje da će kvar otkloniti odmah po nabavi rezervnog dijela, a najkasnije u roku od tri dana po prijavi kvara, osim u slučaju kada su upitanju kvarovi za čiju opravku je potrebna nabavka rezervnih dijelova od ino dobavljača, u kom slučaju je rok za izvršenje do 30 dana.

U slučajevima iz stava 4. ovog člana Izvršilac usluga je obavezan da o tome pismeno obavjesti Ugovorni organ.

Član 7.

Poslove na održavanju i servisiranju uređaja navedenih u članu 1. ovog Ugovora, izvršavat će ovlaštena stručna lica Izvršioca usluga, na lokaciji gdje se navedeni uređaji nalaze.

Izvršilac usluga garantuje blagovremeno i kvalitetno vršenje usluga, a u slučaju reklamacije na nekvalitetno obavljene usluge, obavezuje se na ponovno izvršenje istih o svom trošku.

U slučaju ponovljenog kvara, bez uticaja ljudskog faktora ili potrebe ponovne zamjene ugrađenog rezervnog dijela u garantnom roku, Izvršilac usluga se obavezuje isti otkloniti ili rezervni dio zamjeniti o svom trošku.

Ukoliko Ugovorni organ utvrdi bilo kakve nedostatke nastale prilikom otklanjanja kvara, usljed kojih je kao posljedica nastupila šteta na uređajima u vešeraju ili kuhinji Ugovornog organa, Izvršilac usluga je dužan da nadoknadi eventualno prouzrokovanu štetu.

Član 8.

Ugovorne strane su saglasne da svaku uslugu prati **radni nalog obostrano ovjeren**.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni izvršilac usluge i predstavnik Ugovornog organa upisivati podatke o izvršenim uslugama i intervencijama.

Član 9.

Ugovorni organ se obavezuje:

- da stručnim licima Izvršioca usluga omogući nesmetan pristup opremi radi izvršenja ugovorenih obaveza;
- da nestručnim osobama ne dozvoli pristup do opreme i uređaja koji su predmet ovog ugovora;
- da održava potrebne uslove, red i čistoću u prostorima gdje je instalirana predmetna oprema;
- da posebnim ugovorom ili na drugi pogodan način osigura nabavku potrebnih rezervnih dijelova,
- da izvrši provjeru izvršene usluge i da neposrednom izvršiocu usluge potpiše i potvrdi radnu dokumentaciju.

Član 10.

Ukoliko Izvršilac usluga zakasni sa izvršenjem ugovorene obaveze, dužan je platiti Ugovornom organu, za svako kašnjenje u izvršenju ugovorenih obaveza, **ugovornu kaznu** u iznosu od 5% od vrijednosti konkretne predmetne usluge sa kojom se zakasnilo, odnosno koja se nije izvršila.

Ugovorne strane su saglasne da je za slučaj neizvršenja ugovorenih obaveza Izvršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Ugovorni organ se obavezuje da Izvršioca usluga odmah obavjesti o svakom neizvršenju ili kašnjenju u izvršenju ugovorenih obaveza, na osnovu koje je Izvršilac usluga obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 11.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 12.

Za sve eventualne reklamacije za izvršene usluge koje su predmet ovog Ugovora, Ugovorni organ će upozoriti Izvršioca usluga i odrediti mu primjeren rok za ponovno izvršenje reklamirane ugovorene obaveze.

Ako do isteka tog roka Izvršilac usluga ne postupi po zahtjevu Ugovornog organa, Ugovorni organ može raskinuti Ugovor i zahtijevati isplatu ugovorne kazne, kao i naknadu štete uzrokovane neizvršenjem obaveza u skladu sa ugovorenim.

Član 13.

Ovaj ugovor se zaključuje na period od **dvije godine ili do iscrpljenja finansijskog iznosa za koji je zaključen** i stupa na snagu danom potpisivanja obadvije ugovorne strane.

Član 14.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 15.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz otkazni rok od 30 dana, uz predhodno izmirenje svih ugovorenih obaveza.

Član 16.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 17.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 18.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.


IZVRŠILAC USLUGA:
Broj: 10-19-03/18
Sarajevo, 19.03.2018.g.


UGOVORNI ORGAN:
Broj: 12-335-4/18
Sarajevo, 12.03.2018.godine